

瘦喉證治

全卷

疫喉證治

疫喉證治序

辛未初夏。喉症盛行。初見白點。繼成白塊。或下咽。或腫。或會厭。或爛。或勢甚危。傳染亦速。醫者施以普濟消毒。治誤甚衆。間有守而回喉。急者扶微。獲效亦鮮。竊思。歷年白喉。愈以除瘟化毒。養陰。肺神。德活命。云云。按法隨症。罔不應手奏效。何以今歲獨異。於是攷查醫學大辭典中喉症。檢得疫喉症一條。立論甚詳。治法亦繁。同父。曾仲江。廖誠之。陳少和。廖玉田。屈正常。廖弼臣。喻紹麟。廖敬之。蘇克昌。廖由中。黃雅先。黃輯五。廖仲勳。廖孟周。諸君。僉謀付梓。以行於世。是亦纂輯成書。聊供參攷云爾。

民國二十年歲在辛未六月黃勗夷序於成都

凡例

- 一 本書完全纂輯醫學大辭典未加刪改
- 一 首論病症次述病狀后列藥方編數以便閱者醒目
- 一 有數方係通行丸散藥店中均有售者故不備錄
- 一 本書性質全係贈送不取分文

疫喉證治

疫喉為喉症之傳染者。由口鼻吸受疫毒之氣。其脾胃蘊伏之熱。混合盤踞。一遇少陽相火沸騰。或加外風相搏。則蘊熱疫毒一發。生於喉。暴痛暴腐。或左或右。或左右全腐。其色或白或黃或紅或紫。或痛或重或輕或不痛。遍身熱如火燎。皮膚紅暈如斑。舌苔或白或黃或灰黑或粘厚。脈象或浮數或弦或洪大或沈浮。嘔吐氣喘。神煩昏冒。自利洩赤。口乾唇紅。燥亂驚惕。或微惡寒。治法首重清宣透表。俾邪從汗洩。雖有餘燭在內。清化可解。至於疫邪竊留。未從汗解。盤踞陽明。化為燭象。又非清涼次下不可。下奪之後。疫化陰傷。宜清熱育陰以善後。面垢肢涼。謔言搖擗。輕者猶可治療。重者二三日即死。脈象來時以浮緩者為平順。弦數為疫火被遏。宜清透清化。喉爛痧隱。脈象沉浮者。為邪未達屬險。弦數洪大者。為火勢熾張。宜上清下奪。脈數屬陰傷。宜救陰清火。痧後洪數。須防餘毒。喉爛

神昏。脈來弦數無序者。險。或沉細如絲。軟如綿者。為陽症陰脈。難治。治法

如下

(一) 疫喉如起。首當辛涼透表。繼用苦寒。減熱終宜甘寒救液。兼痰者宜

清化之。兼濕者。宜淡滲之。兼風者。宜清散之。一切辛溫升托皆在所

禁

(二) 疫喉初起。如證勢太猛。裏熱太甚者。不妨選用 (一) 清咽利膈湯。 (二) 涼

膈散之屬。表裏兼施。進恐無及。

(三) 疫喉初起。無論紅腫白腐。或夜晚燈下。看視不清者。均宜先服 (三) 清

咽湯一帖。以觀動靜。然後再隨症進藥。

(四) 疫喉初起。宜先取鮮土牛膝根汁一杯。細麝香一厘。和勻。隔水頓溫

服。先吐疫涎。然後隨證進方。亦可移重就輕。如遍身皮膚紫赤。以点

顆粒不分者。宜即除去麝香。或服櫻桃數十粒。無鮮者。亦佳。

(五)

初起刺法。先用衣鍼刺少商穴。出血以洩疫熱。再者咽喉紅紫癰腐已潰未潰。或潰而未深。項外漫腫。疫壅氣閉。湯冰難下。急宜用針鍼在喉之兩旁高腫處。刺入分許。或一二下。噤去紫血。亦能洩熱消腫。或患者畏用鍼刺。可取熱水一碗。傾豆沙少許於水面。取古銅錢一粒。蘸豆油向患者項外腫處刮之。刮至皮膚紅暈斑起為度。亦可洩熱消腫。

(六)

疫痧全由相火沸騰。營血熱極而化。宜清營透邪。化毒洩熱。即是托痧之法。如吳氏心化斑湯。五犀角地黃湯。六清咽化痧煎。七清咽瀉白散之屬。均可酌用。外用苧麻酒掃之。

(七)

疫喉痧三證並作。一齊發見咽喉白腐者。宜別其溼疫。溫疫。溼疫白腐不煩渴。腐色黯。音低身倦。脈體濡緩。宜以清咽濟溼湯。加葛蒲。藿香。防風。省頭草。地漿水煎。溫疫白腐。煩渴熱甚。腐白色鮮。腫甚紅紫。

脈象數大。宜九清咽透表化毒湯。

(八) 疫犯少陰。陰火上衝。上為咽痛。脈象微細。昏昏欲寐。或吐或利。溲赤且少。溫熱無汗。或有微汗。苔黃或赤。口渴咽乾。脈細數。身熱痧隱。邪未宣達。火已鵠張者。宜小清咽人中黃湯。

(九) 疫喉初起。宜清咽湯。小清咽葛根湯。小清咽施豉湯。清咽麥蘆湯。小清咽導痰湯。清咽瀉白散。小清咽潤燥湯之屬。以清透之。繼宜小清咽消毒飲。清咽涼膈散。小清咽白虎湯。小清咽甘露飲。清咽化痧煎。小清咽導赤散。小清咽救肺湯之屬。以消化之。熱重者。宜小清咽三黃湯。小清咽真陰承氣湯之屬。以下奪之。終宜小清咽養榮湯。小清咽復脈湯之屬。以救其液。

(十) 漱喉之劑。甲宜茜龍虎二汁飲。乙山豆根馬薊子馬勃等分煎湯頻頻漱之。丙射干不拘多少。滾水絞汁加滴醋少許嚥漱。能引吐痰涎。

(一) 喉腐去腐醋

吹喉之劑。甲^{廿五}宜金鎖匙。鷄蘇吹喉散。其水白散。其碧雲散。其冰
瓜雄硃散。其十寶丹。其紅朮散。其人中白散之屬。元。西牛黃五厘。
冰片三厘。珍珠三分。人指甲五厘。一男病用女。女病用男。一
象牙屑^培三分。青黛六分。壁錢廿個。共研細末。吹患處。而用
壁錢五六個。瓦培為末。加入人指甲五厘。西牛黃三厘。亦效。丁斷
燈草數莖。纏指甲就火薰灼。俟黃燥。將二物研細。更用火逼壁蟲一
卽臭蟲一拾個。共搗為末。置銀管內。患處吹之。神效。

(十三)

疫喉藥中。最忌羌獨活。麻黃。升麻。半夏。薑桂。附子。茅朮。厚朴。草烏。川
烏。兵蔓。細辛。羌萎。觀音柳。櫻桃核。白綿紗之屬。切勿誤用。

(十四)

凡疫喉見喉腐色晦。神昏氣喘。鼻撮口張。壯熱自利。痧點隱約者。均
不治。其最劇者曰悶痧。(附錄悶痧) 疫喉痧之最劇者。此症咽喉

腐潰湯飲難下。壯熱神煩。遍身紫赤。顆粒不分。肢涼脈伏。舌苔灰白。垢膩滿中。面青目瞪。口緊流涎。指甲色青。胸滿氣粗。搖擗譫語。自利溲溺。治之稍遲。則百無一生。宜急用通關散。卧龍丹。一搖鼻取嚏。以開其閉。隨用。蘇卜荷一錢。連翹一个五分。天花粉三錢。

川鬱金一个五分。鮮薄荷三个。一汗多者去之一。煎湯入玉樞丹。

一錠灌之。如無煩燥象。但身熱無汗神迷者。可去花粉。連翹薄荷。

加荊芥。豆豉。蘇梗。以清化宣洩。透邪出表。如悶痧未開。疫火已熾。神

昏燥擾。岌岌可危者。宜速用紫雪丹三四分。新汲水調灌。若牙關緊

閉。湯水難嚥者。取紫雪丹二三分。塗舌上。另磨烏犀角汁。頻灌之。然

下之濁數不通。則上之清數難啟。急當接服。清咽三黃湯。方見或

清咽利膈湯。方見之屬。隨症加減。上開下奪。或可挽回。註通關散

玉樞丹。紫雪丹。葯店中皆有售者。

瘦喉初起三禁

(一)

切忌辛溫發表。緣瘦喉腐潰。全是君相二火為害。寒症絕無。亦
有因外風相搏者。一若誤用辛溫。亦益其焰矣。

(二)

切忌早投苦寒。緣瘦喉初起。必有外邪色繞。非俟宣化之後。內火
鳴張。不可清涼洩熱。若早投苦寒。外邪內陷而難救矣。一亦有因
火偏重。而無外邪者。然居少數。當視火之輕重。量用清涼之品。以
宣化洩熱。

(三)

切忌直折下奪。緣瘦喉初起。苦寒清洩。尚須填進。何況攻下。非是
邪化火升陰氣未傷者。不可用也。

瘦喉各種病象

失音

此症由肺經積熱所致。若喉爛極盛而失音者。此肺臟太被
爛傷之故。惟有大劑滋清。以冀挽回耳。

目赤 痘喉初發。每多目赤。若在大塊時痧。尚非險症。若發細痧。兼之喉爛痧隱者。是為險象。舌絳者。宜清達兼施。便閉者宜汗下並用。若痧點已足。喉爛目赤。宜重施清化。

自汗 此症痧點漸足。喉爛漸退者。為佳兆。若得汗而痧仍隱約。喉爛反甚者。症險且重。用大劑清化。或可挽救。

口渴 此症由溫邪化火所致。急宜清達並施。

不發熱 此症痧點隱約。而身熱不甚。由於毒火內閉。痧點無從外達之故。急清達並用。或可挽救。

嘔逆 此由毒火太盛所致。化其火則嘔自止。不可誤為寒嘔也。

毒泡 此症由於火毒太盛。以致痘痧之上。又發白泡。甚至泡密有

漿。由火毒極盛所致。宜大劑清化之。若得喉腐不甚。神機清爽。痧得泡則邪達。亦非必死矣。

便閉 此由邪火內結所致。多見喉爛痧隱。神煩脈實。舌絳者。宜清下兼施。舌垢者。宜疎下並用。

便溏 此由邪火下洩所致。却非凶兆。若便溏而神昏痧隱。喉爛脈鬱者。此火盛正虛而洩。則為險候。若愈後便溏不止者。肺氣虛也。宜保肺理脾。

病後下利 此由毒氣所致。治法如下。

一、痢下白色者。宜^泄黃芩湯。加青皮、陳皮、防風、送下^泄香連丸。

二、下痢濃血者。宜^泄白頭翁湯。加當歸尾、赤芍、川芎、防風、送香連

丸

三、下濃血者。宜白頭翁湯。加當歸尾、赤芍、川芎、防風、兼食積者。加

麥芽、枳殼、山楂。

四、正虛邪陷而致者。宜^泄乾薑、黃芩、黃連、人參湯。加泡薑炭、防風。

牙疳

此因餘毒熾盛所致。其證面瘡而堅。色眊亮者。頤必穿。穿者不治。口內齦黑者。不治。齒落者。不治。臭氣盛者。不治。堅瘡不退者。不治。內服宜清火化毒。吹藥宜解毒止腐。

病後虛勞。痘喉之後。餘熱未清。正氣未充。陰液太傷。若不自將慎。或乘風安睡。或喜食酸冷。或不戒酒色。以致效逆。食減。虛熱便溏。體倦神乏。脈數虛細者。便成虛勞矣。治法如下。一。土不生金。肺陰大傷。效嗽蒸熱。食減脈細者。宜六神湯。加洋參。二。正氣虛餒。脾陽下陷。便溏肢倦。食少脈弱者。宜參苓白朮散。加黃芪。防風。切忌苦寒。重傷脾胃。

效嗽 此為度喉吉兆。效甚發痧易達。惟喉爛甚者。雖效亦凶。若痧後效久不止。脈弱形瘦者。防成痧勞。

氣促 此由火邪結於肺胃。肺氣欲絕之候。若兼喉爛甚者尤危。

神煩 此證喉爛盛痧點隱者。為疫毒內陷。心色之險證。宜清透並用。若便閉脈實。可兼下法。舌乾液虧者。宜兼育養。痧透神煩者。重用清化。痧後宜用清滋。

發熱 此為內邪欲達之象。宜疎達為主。有汗為吉。無汗為凶。初起肌如紅紙。痧隱不透者。宜清散並用。若灼熱無汗。痧隱神昏。喉爛氣穢者。此疫火內閉。再見脈象。細無神者。必死。宜勉用清散。或兼內開。若得汗而仍為熱。痧隱神昏。喉爛脈弦者。宜清散並用。若痧後身熱不止。仍見喉爛舌乾。神燥鼻煽。脈空虛。或虛弦。無神者。危。

無汗 此為疫毒內鬱。痧點無由而達。每至喉爛神呆。而成不治之證。急宜清達並重。或可使痧透汗出。

唇絳 此由疫火結於陽明。津液內虧所致。若兼喉爛盛者。其證必

險喉癰痧隱者。宜清火透邪。喉癰痧透者。宜清火養液。

衄

此由邪火太盛所致。衄則邪有出路。可冀痧透神清。喉癰漸減。治宜清化。若雖衄而喉癰盛。痧點隱者。宜清散並重。

痧

疫喉多兼痧症。故名。俗稱為爛喉痧。

會厭腐潰

疫喉白腐。治之應手。白轉紅黃。聲音響亮。湯飲順利者。此化

險為夷之佳兆。若咽腐日加。白如枯骨。口出穢氣。音啞聲嘶。湯水入口即噎。此會厭間受疫毒薰灼。已經腐潰。人難得見。惟口出臭氣。音聲低啞。水入噎逆是其候也。為不治之證。宜用清化會厭退腐湯。廿九竹茹石膏湯。四十白鳳飲之。屬。或可希冀萬一。

溺瀦

此由毒火太重所致。若痧透神清。喉癰不盛者。宜清火化毒。

其瀦自利。若喉癰甚。而小便瀦。痧點未足者。須達而瀦之。

腹痛

此由疫火內鬱。或兼有食積所致。神呆痧隱。而腹痛者。為悶

痧喉爛便閉而腹痛者。為火滯俱盛。宜清而下之。

嘔吐 此乃胃家之邪熱發洩。痧透則嘔自止。若痧隱不透。嘔甚吐
沈者。其證險。疫火內鬱。欲吐不吐。乾嘔神呆。喉爛痧隱者。其證
更險。

鼻塌 此證如痧隱喉爛者。為疫毒伏於肺。痧沒喉爛者。為疫毒結
於肺。二者俱難治。若兼氣促痰鳴者危。

鼻煤 此由毒火灼肺所致。法宜清火化毒。使烟煤漸退。或可挽回。
若兼喉爛。面青氣促痰鳴者難治。

齒乾 此由火灼液虧所致。宜於疎散品中。兼養液清化。

譫語 此由毒火乘心。色所致。若喉爛或痧點隱灼者。此疫毒內閉。
其勢甚危。所用藥物。清散並重。若見神昏。兼予內開。或能挽回
萬一。